



欽定四庫全書

16
3
1

聖諭

表文

職名

12
130
1



1152
138
1

東洋書院

銀田庫全書總目

明治廿四年二月廿三日
大正發行
贈

同治七年廣東
書局重刊

欽定四庫全書總目卷首

聖諭

乾隆三十七年正月初四日奉

上諭朕稽古右文聿資治理幾餘典學日有孜孜因思
策府縹緗載籍極博其鉅者羽翼經訓垂範方來固
足稱千秋法鑒卽在識小之徒專門撰述細及名物
象數兼綜條貫各自成家亦莫不有所發明可爲游
藝養心之一助是以御極之初卽詔中外搜訪遺書
竝令儒臣校勘十三經二十一史徧布鬯宮嘉惠後

聖諭

東學

新錢文
有物那

學復開館纂修綱目三編通鑑輯覽及三通諸書凡
藝林承學之士所當戶誦家絃者既已薈萃略備第
念讀書固在得其要領而多識前言往行以畜其德
惟蒐羅益廣則研討愈精如康熙年開所修圖書集
成全部兼收竝錄極方策之大觀引用諸編率屬因
類取裁勢不能悉載全文使閱者沿流溯源一一微
其來處今內府藏書插架不爲不富然古今來著作
之手無慮數千百家或逸在名山未登柱史正宜及
時採集彙送京師以彰千古同文之盛其令直省督

撫會同學政等通飭所屬加意購訪除坊肆所售舉
業時文及民間無用之族譜尺牘屏幃壽言等類又
其人本無實學不過嫁名馳騫編刻酬倡詩文瑣屑
無當者均無庸採取外其歷代流傳舊書內有闡明
性學治法關係世道人心者自當首先購覓至若發
揮傳注攷覈典章旁暨九流百家之言有裨實用者
亦應備爲甄擇又如歷代名人洎本朝士林宿望向
有詩文專集及近時沈潛經史原本風雅如顧棟高
陳祖范任啟運沈德潛輩亦各著成編竝非勦說卮

言可比均應槩行查明在坊肆者或量爲給價家藏者或官爲裝印其有未經鐫刊祇係鈔本存畱者不妨繕錄副本仍將原書給還竝嚴飭所屬一切善爲經理毋使吏胥藉端滋擾但各省蒐輯之書卷帙必多若不加之鑑別悉令呈送煩複皆所不免著該督撫等先將各書敘列目錄注係某朝某人所著書中要旨何在簡明開載具摺奏聞候彙齊後令廷臣檢覈有堪備閱者再開單行知取進庶幾副在石渠用儲乙覽從此四庫七畧益昭美備稱朕意焉欽此

乾隆三十八年二月初六日奉

旨昨據軍機大臣議覆朱筠條奏內將永樂大典擇取繕寫各自爲書一節議請分派各館修書翰林等官前往檢查恐責成不專徒致歲月久稽汗青無日蓋此書移貯年深旣多殘闕又原編體例係分韻類次先已割裂全文首尾難期貫串特因當時採摭甚博其中或有古書善本世不恆見今就各門彙訂可以湊合成部者亦足廣名山石室之藏著卽派軍機大臣爲總裁官仍於翰林等官內選定員數責令及時

專司查校將原書詳細檢閱竝將圖書集成互爲校覈擇其未經採錄而實在流傳已少尙可裒綴成編者先行摘開目錄奏間候朕裁定其應如何酌定規條卽著派出之大臣詳悉議奏至朱筠所奏每書必校其得失撮舉大旨敘於本書卷首之處若欲悉仿劉向校書序錄成規未免過於繁冗但向閣內府所貯康熙年間舊藏書籍多有摘敘簡明略節附夾本書之內者於檢查洵爲有益應俟移取各省購書全到時卽令承辦各員將書中要指彙括總敘厓略粘

開卷副頁右方用便觀覽餘依議欽此

乾隆三十八年二月十一日奉

上諭昨據軍機大臣議覆朱筠條奏校核永樂大典一摺已降旨派軍機大臣爲總裁揀選翰林等官詳定規條酌量辦理茲檢閱原書卷首序文其言採掇蒐羅頗稱浩博謂足津逮四庫及覈之書中別部區函編韻分字意在貪多務得不出類書窠臼是以踳駁乖離於體例未能允協卽如所用韻次不依唐宋舊部惟以洪武正韻爲斷已覺凌雜不倫況經訓爲羣

聖諭
籍根源乃因各韻轆轉於易先列蒙卦於詩先列大
東於周禮先列冬官且採用各字不論易書詩禮春
秋之序前後錯互甚至載入六書篆隸真草字樣撫
拾米芾趙孟頫字格描頭畫角支離無謂至儒書之
外闌入釋典道經於古柱下史專掌藏書守先待後
之義尤爲鑿柄不合朕意從來四庫書目以經史子
集爲綱領裒輯分儲實古今不易之法是書旣遺編
淵海若準此以採擷所登用廣石渠金匱之藏較爲
有益著再添派王際華裘曰修爲總裁官卽令同遴

簡分校各員悉心酌定條例將永樂大典詳悉校核
除本係現在通行及雖屬古書而詞意無關典要者
亦不必再行採錄外其有實在流傳已少其書足資
啟牖後學廣益多聞者卽將書名摘出撮取著書大
旨敘列目錄進呈俟朕裁定彙付剞劂其中有書無
可採而其名未可盡沒者祇須注出簡明略節以
佐流傳考訂之用不必將全部付梓副朕裨補闕遺
嘉惠士林至意再是書卷帙如此繁重而明代藏役
僅閱六年今諸臣從事釐輯更係棄多取少自當刻

聖諭
期告竣不得任意稽延徒謂汗青無日仍將應定條例卽行詳議繕摺具奏欽此

乾隆三十八年二月二十一日大學士劉統勳等議奏校辦永樂大典條例一摺奉

旨是依議將來辦理成編時著名四庫全書欽此

乾隆三十八年二月二十八日奉

旨現在查辦四庫全書之翰林等官著照武英殿修書處之例給與飯食卽交福隆安派員經理欽此

乾隆三十八年五月十七日奉

聖諭
上諭前經降旨博採遺編彙爲四庫全書用昭石渠美備竝以嘉惠藝林旋據浙江江南督撫及兩淮鹽政等奏到購求呈送之書已不下四五千種竝有稱藏書家願將所有舊書呈獻者固屬踴躍奉公尙未能深喻朕意方今文治光昭典籍大備恐名山石室儲蓄尙多用是廣爲蒐羅俾無遺佚冀以闡微補闕所有進到各遺書竝交總裁等同永樂大典內現有各種詳加核勘分別刊鈔擇其中罕見之書有益於世道人心者壽之梨棗以廣流傳餘則選派謄錄彙繕

成編陳之冊府其中有俚淺譌謬者止存書名彙爲總目以彰右文之盛此採擇四庫全書本指也今外省進到之書大小長短參差不一旣無當於編列縹緗而業已或刻或鈔其原書又何必復畱內府且伊等將珍藏善本應詔彙交深可嘉尙若因此收存不發轉使耽書明理之人不得保其世守於理未爲公允朕豈肯爲之所有各家進到之書俟校辦完竣日仍行給還原獻之家但現在各省所進書籍已屬不少嗣後自必陸續加多其如何分別標記俾還本人

不致混淆遺失之處著該總裁等妥議具奏仍將此通諭知之欽此

乾隆三十九年五月十四日奉

上諭國家當文治休明之會所有古今載籍宜及時蒐羅大備以光冊府而裨藝林因降旨命各督撫加意採訪彙上於朝旋據各省陸續奏進而江浙兩省藏書家呈獻種數尤多廷臣中亦有紛紛奏進者因命詞臣分別校勘應刊應錄以廣流傳其進書百種以上者竝命擇其中精醇之本進呈乙覽朕幾餘親爲

評詠題識簡端復命將進到各書於篇首用翰林院
印竝加鈐記載明年月姓名於書面頁俟將來辦竣
後仍給還各本家自行收藏其已經題詠諸本竝令
書館先行錄副將原書發還俾收藏之人益增榮幸
今閱進到各家書目其最多者如浙江之鮑士恭范
懋柱汪啟淑兩淮之馬裕四家爲數至五六七種
皆其累世弄藏子孫克守其業甚可嘉尙因思內府
所有古今圖書集成爲書城鉅觀人閒罕觀此等世
守陳編之家宜俾專藏勿失以裨畱貽鮑士恭范懋

柱汪啟淑馬裕四家著賞古今圖書集成各一部以
爲好古之勸又如進呈一百種以上之江蘇周厚堦
蔣曾瑩浙江吳玉墀孫仰曾汪汝璉以及朝紳中黃
登賢紀昀勵守謙汪如藻等亦俱藏書舊家竝著每
人賞給內府初印之佩文韻府各一部俾亦珍爲世
寶以示嘉獎以上應賞之書其外省各家著該督撫
鹽政派員赴武英殿領回分給其在京各員卽令其
親赴武英殿祇領仍將此通諭知之欽此

乾隆三十九年七月二十五日奉

聖諭
諭旨四庫全書處進呈總目於經史子集內分晰應刻
應鈔及應存書目三項各條下俱經撰有提要將一
書原委撮舉大凡并詳著書人世次爵里可以一覽
了然較之崇文總目蒐羅既廣體例加詳自應如此
辦理第此次各省搜訪書籍有多至百種以上至六
七百種者如浙江范懋柱等家其哀集收藏深可嘉
尙前已降旨分別頒賞古今圖書集成及初印佩文
韻府并擇其書尤雅者製詩親題卷端俾其子孫世
守以爲稽古藏書者勸今進到之書於纂輯後仍須

發還本家而所撰總目若不載明係何人所藏則閱
者不能知其書所自來亦無以彰各家珍弄資益之
善著通查各省進到之書其一人而收藏百種以上
者可稱爲藏書之家卽應將其姓名附載於各書提
要末其在百種以下者亦應將由某省督撫某人採
訪所得附載於後其官版刊刻及各處陳設庫貯者
俱載內府所藏使其眉目分明更爲詳細至現辦四
庫全書總目提要多至萬餘種卷帙甚繁將來鈔刻
成書繙閱已頗爲不易自應於提要之外另刊簡明

書目一編祇載某書若干卷註某朝某人撰則篇目不繁而檢查較易俾學者由書目而尋提要由提要而得全書嘉與海內之士考鏡源流用昭我朝文治之盛著四庫全書處總裁等遵照悉心妥辦竝著通諭知之欽此

乾隆四十年十一月十七日奉

上諭據四庫全書館總裁將所輯永樂大典散片各書進呈朕詳加披閱內宋劉跂學易集十二卷擬請刊刻其中有青詞一體乃道流祈禱之章非斯文正軌

前因題胡宿集見其有道院青詞教坊致語之類命刪去刊行而鈔本仍存其舊今劉跂所作則因己身服藥交年瑣事用青詞致告尤爲不經雖鈔本不妨姑存刊刻必不可也蓋青詞跡涉異端不特周程張朱諸儒所必不肖爲卽韓柳歐蘇諸大家亦正集所未見若韓愈之送窮文柳宗元之乞巧文此乃擬託神靈游戲翰墨不過借以喻言竝非實有其事偶一爲之固屬無害又如時文爲舉業所習自前明以來通人擅長者甚多然亦只可聽其另集專行不竝登文集

況青詞之尤乖典則者乎再所進書內有擬請鈔錄之王質雪山集內如論和戰守疏及上宋孝宗書諸篇詞旨剴切頗當事理竟宐付之剗刷但其中亦有青詞一種竝當一律從刪所有此二書著交該總裁等重加釐訂分別削存用昭評隲之允至現在纂輯四庫全書部帙計盈數萬所採詩文旣多自不能必其通體完善或大端可取原不妨棄瑕錄瑜如宋穆脩集有曹操帳記語多稱頌謬於是非大義在所必刪而全集或錄存亦不必因此以廢彼惟當於提要

內闡明其故使去取之義曉然諸凡相類者均可照此辦理該總裁等務須詳慎決擇使羣言悉歸雅正副朕鑑古斥邪之意欽此

乾隆四十一年六月初一日奉

上諭昨四庫館進呈哀集永樂大典散篇內有麟臺故事一編爲宋待制程俱撰具詳當時館閣之制所載典掌三館祕閣書籍以執政領閣事又有直祕閣祕閣校理等官頗稱賅備方今搜羅遺籍彙爲四庫全書每輯錄奏進朕親披閱釐正特於文華殿後建文淵閣

弄之以充策府而昭文治淵海縹緗蔚然稱盛第文淵閣國朝雖爲大學士兼銜而非職掌在昔竝無其地茲旣崇構鼎新琅函環列不可不設官兼掌以副其實自宜酌衷宋制設文淵閣領閣事總其成其次爲直閣事同司典掌又其次爲校理分司註冊點驗所有閣中書籍按時檢曝雖責之內府官屬而一切職掌則領閣事以下各任之於內閣翰詹衙門內兼用其每銜應設幾員及以何官兼充著大學士會同吏部翰林院定議列名具奏候朕簡定令各分職繫銜

將來卽爲定額用垂久遠至於四庫所集多人閒未見之書朕勤加採訪非徒廣金匱石室之藏將以嘉惠藝林啟牖後學公天下之好也惟是鐫刻流傳僅什之一而鈔錄儲藏者外閒仍無由窺覩豈朕右文本意乎翰林原許讀中祕書卽大臣官員中有嗜古勤學者竝許告之所司赴閣觀覽第不得攜取出外致有損失其如何酌定章程竝著具奏以聞欽此

乾隆四十一年七月二十六日奉

上諭關帝在當時力扶炎漢志節凜然乃史書所諡竝

非嘉名陳壽於蜀漢有嫌所撰三國志多存私見遂不爲之論定豈得謂公從前

世祖章皇帝曾降

諭旨封爲忠義神武大帝以褒揚盛烈朕復於乾隆三十二年降旨加靈佑二字用示尊崇夫以神之義烈忠誠海內咸知敬祀而正史猶存舊謚隱寓譏評非所以傳信萬世也今當鈔錄四庫全書不可相沿陋習所有志內關帝之謚應改爲忠義第本傳相沿已久民間所行必廣難於更易著交武英殿將此旨刊載

傳末用垂久遠其官板及內府陳設書籍竝著改刊此旨一體增入欽此

乾隆四十一年九月三十日奉

上諭昨四庫全書薈要處呈進鈔錄各種書籍朕於幾餘披閱見粘簽考訂之處頗爲詳細所有各簽向曾令其附錄於每卷之末卽官板諸書亦可附刊卷尾惟民間藏板及坊肆鐫行之本難以概行刊入其原書譌舛業經訂正者外閒仍無由得知尚未足以公好天下也前經降旨令將四庫全書總目及各書提

聖諭
要編刊頒行所有諸書校訂各簽竝著該總裁等另
爲編次與總目提要一體付聚珍板排刊流傳旣不
虛諸臣校勘之勤而海內承學者得以由此研尋凡
所藏書皆成善本亦以示嘉惠士林至意欽此

乾隆四十一年十一月十七日奉

上諭前因彙輯四庫全書諭各省督撫遍爲採訪嗣據
陸續送到各種遺書令總裁等悉心校勘分別應刊
應鈔及存目三項以廣流傳第其中有明季諸人書
集詞意抵觸本朝者自當在銷燬之例節經各督撫

呈進竝飭館臣詳晰檢閱朕復於進到時親加披覽
覺有不可不爲區別甄核者如錢謙益在明已居大
位又復身事本朝而金堡屈大均則又遁蹟緇流均
以不能死節靦顏苟活乃託名勝國妄肆狂狷其人
實不足齒其書豈可復存自應逐細查明概行燬棄
以勵臣節而正人心若劉宗周黃道周立朝守正風
節凜然其奏議慷慨極言忠盡溢於簡牘卒之以身
殉國不愧一代完人又如熊廷弼受任疆場材優幹
濟所上封事語多剴切乃爲朝議所撓致使身陷大

辟嘗閱其疏內有灑一腔之血於朝廷付七尺之軀於邊塞二語親爲批識云至此爲之動心欲淚而彼之君若不聞明欲不亾得乎可見朕大公至正之心矣又如王允成南臺奏彙彈劾權姦指陳利弊亦爲無慚骨鯁又如葉向高爲當時正人頗負重望及再入內閣值逆閹弄權調停委曲雖不能免責賢之備然視其綸扉奏草請補閣臣疏至七十上幾於痛哭流涕一概付之不荅其朝綱叢脞可不問而知也以上諸人所言若當時能採而用之敗亾未必若彼其

速是其書爲明季喪亂所關足資考鏡惟當改易違礙字句無庸銷燬又彼時直臣如楊漣左光斗李應昇周宗建繆昌期趙南星倪元璐等所有書籍竝當以此類推卽有一二語傷觸本朝本屬各爲其主亦止須酌改一二語實不忍竝從焚棄致令湮沒不彰至黃道周另有博物典彙一書不過當時經生家策料之類然其中紀本朝事蹟一篇於李成梁後設謀恇害具載本末尤足徵我朝

祖宗行事正大光明實大有造於明人而彼轉逞狡謀陰

聖訓
計以怨報德伏讀

實錄我

太祖高皇帝以七大恨告

天師直爲壯神戈所指肇造鴻基實自古創業者所莫及
雖彼之臣子亦不能變亂黑白曲爲隱諱存其言并
可補當年紀載所未備因命館臣酌加節改附載

開國方略後以昭徵信近復閱江蘇所進應燬書籍內有
朱東觀編輯崇禎年閒諸臣奏疏一卷其中多指言
明季秕政漸至瓦解而不可救亦足取爲殷鑒雖諸

疏中多有乖觸字句彼皆忠於所事實不足罪惟當
酌改數字存其原書使天下後世曉然於明之所以
亾與本朝之所以興俾我子孫永念

祖宗締造之艱難益思兢兢業業以祈

天而永

命其所裨益豈不更大又何必亟燬其書乎又若彙選各
家詩文內有錢謙益屈大均所作自當削去其餘原
可留存不必因一二匪人致累及衆或明人所刻類
書其邊塞兵防等門所有觸礙字樣固不可存然祇

聖訓
須削去數卷或削去數篇或改定字句亦不必因一
二卷帙遂廢全部他如南宋人書之斥金明初人書
之斥元其悖於義理者自當從改其書均不必燬使無
礙之書原聽其照舊流行而應禁之書自不致仍前
藏匿方爲盡善著四庫全書總裁等妥協查辦粘簽
呈覽候朕定奪竝將此通諭中外知之欽此

乾隆四十二年八月十九日奉

旨前經降旨各省藏書家所呈書籍於辦畢後卽行發
還至督撫等自購呈進之本俱經奏請畱供石渠之

藏其在京大臣官員等所進之書亦俱請備儲中祕
昨歲大學士等議定文淵閣藏書章程云俟全書告
竣後各藏其副於翰林院署立架分貯等語朕命纂
輯四庫全書原以嘉惠天下萬世公諸同好今外省
藏書家進到之書既經陸續給還所有在京大臣等
呈進書籍亦應一體付還本家俾其世守若爲翰林
院藏副計則各處所進書函長短闊狹不等分籤插
架不能整齊莫若俟四庫全書鈔錄四分完竣令照
式再鈔一分貯之翰苑既可備耽書之人入署就閱

而傳布詞林亦爲玉堂增一佳話其各督撫購進諸書將來仍可彙交武英殿另行陳設收藏將此諭令四庫館總裁等遵照辦理欽此

乾隆四十二年十月初七日奉

上諭四庫全書館進呈李廌濟南集其詠鳳凰臺一首有漢徹方秦政何乃誤至斯之語於理不順因檢查北史文苑傳敘亦有頡頏漢徹跨躡曹丕之句韻府因而錄入均屬未協秦始皇焚書坑儒其酷虐不可枚舉號爲無道秦後之人深惡痛絕因而顯斥其名

尚無不可若曹丕躬爲篡逆稱名亦宜至漢武帝在漢室尚爲振作有爲之主且興賢用能獨特綱紀雖黷武惑溺神仙乃其小疵豈得直書其名與秦政曹丕竝論乎且自古無道之君至桀紂而止故有指爲獨夫受者若漢之桓靈昏庸狂暴遂至滅亾亦未聞稱名指斥何於武帝轉從貶抑乎又如南北朝彼此互相詆毀南朝臣子稱北朝主之名北朝臣子稱南朝主之名宋之於金元金元之於宋亦然此皆局於其地之私心雖非天下之公尚無傷於正理若李延

壽乃唐臣李廌乃宋臣其於中國正統之漢武帝伊祖未嘗不曾爲其臣豈應率逞筆端罔顧名義輕妄若此且朕御製詩文內如周程張朱皆稱爲子而不斥其名又如韓昌黎蘇東坡諸人或有入詩文者亦止稱其號而不名朕於異代之臣尚不欲直呼其名乃千古以下之臣轉將千古以上之君稱名不諱有是理乎朕命諸臣辦理四庫全書親加披覽見有不協於理者如關帝舊諡之類卽降旨隨時釐正惟準以大中至正之道爲萬世嚴褒貶卽以此衡是非

此等背理稱名之謬豈可不爲改正以昭示方來著交武英殿將北史文苑傳敘改爲漢武韻府內刪去此條酌爲改刊所有陳設之書悉行改補其李廌集亦一體更正竝諭四庫全書館臣等於校刊書籍內遇有似此者俱加簽擬改聲明進呈毋稍忽略將此通諭知之欽此

乾隆四十二年十一月十四日奉

上諭前日披覽四庫全書館所進宗澤集內將夷字改寫彝字狄字改寫敵字昨閱楊繼盛集內改寫亦然

聖訓
而此兩集中又有不改者殊不可解夷狄二字屢見於經書若有心改避轉爲非理如論語夷狄之有君孟子東夷西夷又豈能改易亦何必改易且宗澤所指係金人楊繼盛所指係諳達更何所用其避諱耶因命取原本閱之則已改者皆係原本妄易而不改者原本皆空格加圈二書刻於康熙年間其謬誤本無庸追究今辦理四庫全書應鈔之本理應斟酌妥善在謄錄草野無知照本鈔謄不足深責而空格則係分校所填既知填從原文何不將其原改者悉爲

更正分校覆校俱係職官豈宜失檢若此至總裁等身爲大臣於此等字面尤應畱心細勘何竟未能逐一校正其咎更無所辭非他書總核記過者可比所有此二書之分校覆校及總裁官俱卽著交部分別議處除此二書改正外他書有似此者竝著一體查明改正竝諭該館臣嗣後務悉心詳校毋再輕率干咎欽此

乾隆四十三年五月二十六日奉

上諭朕博蒐載籍特命諸臣纂輯四庫全書棄藏三閣

又擇其尤精者爲薈要分貯大內及御園用昭美備
所以多選謄錄寬予限期以期校成善本嘉惠藝林
昨辦書期屆五年將校對謄錄諸人優予議敘用示
勸揚惟是進呈各書朕信手抽閱卽有譌舛其未經
指出者尚不知凡幾既有校對專員復有總校總裁
重重覆勘一書經數人手眼不爲不詳何以漫不經
意必待朕之遍覽乎若朕不加檢閱將聽其譌誤乎
朕因四庫全書應繕寫者統計十六萬八千冊卷帙
浩繁旣成大事不妨略其小節自開館以來無不曲

予加恩多方鼓舞所以體恤之者倍至若此任意疎
忽屢訓不改長此安窮是徒以四庫書館開俸進之
階爲終南捷徑又豈可不防微杜漸耶前定總裁總
校分校等按次記過三月查核交部議處原不過薄
示懲儆使知愧勵乃各總裁僅請每部抽看十之一
二以圖卸責身爲大臣卽不宜如此存心乃旣經抽
看而仍聽其魯魚亥豕累牘連篇其又何辭以自解
飾耶嗣後務宜痛加猛省悉心校勘其於去取謄錄
分校之際更不宜左袒屢乞恩准以無負朕稽古右

文之意毋再因循干咎將此再行嚴飭在館諸臣知之欽此

乾隆四十四年二月二十六日奉

上諭四庫全書館節次彙進各省送到違碍應燬書籍朕親加抽閱內如徐必達南州草所載姦商姦瑄結賄欺君諸疏俱持論不撓極爲抗直又如蕭近高疏草內載其劾大璫潘相等以礦稅擾民宋一韓掖垣封事亦有劾東廠及稅監李鳳梁永等蠹國病民諸疏俱屬詳明剴切又侯震暘天垣疏略以客氏再入

禁中抗章極論并及於沈淮之交通內臣亦能侃侃不阿雖其閒若徐爾一之九八分疏極口詆斥孫承宗而於溫體仁霍維華等則曲加贊譽是非倒置以圖煇聽此外亦不過摭拾陳言固無足取其餘讜論危言切中彼時弊病者實俱無慚骨鯁前因明季諸臣如劉宗周黃道周等立身行己秉正不回其抗疏直諫皆意切於匡濟時艱忠盡之忱溢於簡牘已降旨將其違礙字句酌量改易無庸銷燬因復思明自神宗以後朝多秕政諸臣目擊國勢之阡危往往苦

口極言無所隱諱雖其君置若罔聞不能稍收補救之效而遺篇俱在凡一時廢弛督亂之迹痛切敷陳足資考鏡朕以爲不若擇其較有關係者別加編錄名爲明季奏疏勒成一書使天下萬世曉然於明之所以亾亦可垂示方來永爲殷鑒況諸臣彈劾權姦指摘利病至不憚再三入告實皆出自愛君體國之誠而其姓名章疏不盡見於明史朕方欲闡幽顯微又何忍令其湮沒弗彰況諸臣在勝國言事於我國家閒有干犯之語彼自爲其主不宜深責非若身入

本朝肆爲詆悖者可比原不妨就其應存諸疏將觸背字面量爲改易選錄餘仍分別撤燬於辦理違礙書籍似屬竝行不悖著交該總裁遴選一二人詳悉校閱編輯繕錄以次呈覽候朕鑒定竝將此通諭中外知之欽此

乾隆四十五年九月十七日奉

上諭國初設官分職不殊周官法制及定鼎中原參稽前代不繁不簡最爲詳備其閒因革損益名異實同稽古唐虞建官惟百內有百揆四岳外有州牧侯伯

奮庸熙載亮采惠疇周則監于二代立三公三孤秦漢以後爲丞相爲中書門下平章知政事明洪武因胡惟庸之故改丞相爲大學士其實官名雖異職守無殊惟在人主太阿不移簡用人則雖名丞相不過承命奉行卽改稱大學士而所任非人竊弄威福嚴嵩之流非仍名大學士者乎蓋有是君方有是臣惟后克艱厥后庶臣克艱厥臣昔人言天下之安危係乎宰相其言實似是而非也至六官卽今之六部周禮典制纂詳要亦本于唐虞司徒秩宗諸職外而

督撫自秦漢以來所稱守牧節度行省卽唐虞十二牧之遺歷朝改革建置紛如難以縷數我國家文武內外官職品級載在大清會典本自秩然至於援古證今今之某官卽前某代某官又或古有今無或古無今有允宜勒定成書昭垂永久俾覽者一目了然現在編列四庫全書遺文畢集著卽派總纂總校之紀昉陸錫熊陸費墀孫士毅等悉心校覈將本朝文武內外官職階級與歷代沿革異同之處詳稽正史博參羣籍分晰序說簡明精審毋冗毋遺其議政大臣

領侍衛內大臣八旗都統護軍統領健銳火器營內
務府并駐防將軍及新疆增置各官亦一體詳晰考
證分門別類纂成歷代職官表一書由總裁覆核陸
續進呈候朕閱定書成後卽以此旨冠於卷首不必
請序列入四庫全書刊布頒行以昭中外一統古今
美備之盛因首論丞相一官餘可類推覽是編者其
各顧名思義凜然於天工人代兢兢業業夙夜靖其
以庶幾克艱無曠之義欽哉特諭欽此

乾隆四十六年二月十三日奉

上諭據四庫全書總裁奏進所辦總目提要內請於經
史子集各部冠以

聖義

聖謨等六門恭載

列聖欽定諸書及朕御製御批各種所擬殊屬繁從前
開館之初曾經降旨以四庫全書內惟集部應以本
朝

御製詩文集冠首至經史子三部仍照例編次不必全以
本朝官書爲首今若於每部內又特標

聖義諸名目雖爲尊崇起見未免又多增義例朕意如

列聖御纂諸經列於各本經諸家之前

御批通鑑綱目等書列於各家編年諸書之前

五朝聖訓

硃批論旨方略等書列於詔令諸門之前

御註道德經列於各家所註道德經之前其他以類仿照

編次俾尊崇之義與編纂之體竝行不悖至閱其總

目特載朕前後修書諭旨及御題四庫諸書詩文爲

卷首所辦未爲盡協四庫全書體大物博將來書成

之日篇帙浩繁舉何爲序所有歷次所降諭旨刊之

總目首卷以當序事屬可行且官撰諸書亦有以諭

旨代弁言者自不得不如此辦理至朕題四庫諸書

詩文若亦另編卷首將來排列轉在

列朝欽定諸書之前心尤未安雖纂校諸臣尊君之意然

竟似四庫全書之輯端爲朕詩文而設者然朕不爲

也著將所進詩文六卷撤出仍分列入朕御製詩文

集內俾各爲卷首則編排在

列朝欽定諸書之後而四庫書內朕所題各書詩文列在

本集卷首庶眉目清而開帙了然將此諭令館臣遵照辦理欽此

乾隆四十六年二月十五日奉

上諭昨據四庫全書總裁奏請總目請於經史子集各部冠以

聖義

聖謨等六門業經降旨令將

列朝御纂

御批

御製各書分列各家著撰之前不必特標名目竝令將卷首所錄御題四庫諸書詩文撤出分列御製詩文各集之前所以示大公也朕一再思維四庫全書之輯廣搜博採彙萃羣書用以昭垂久遠公之天下萬世如經部易類以子夏易傳冠首實爲說易家最古之書允宜弁冕義經若以

欽定諸書列於各代之前雖爲纂修諸臣尊崇本朝起見而於編排體例究屬未協況經史子集各部內尚有前代帝王論著以本朝

欽定各書冠之亦未有合在編輯諸臣自不敢輕議及此
朕則筆削權衡務求精當使綱舉目張體裁醇備足
為萬世法制即後之好為論辨者亦無從置議方為
盡善所有四庫全書經史子集各部俱照各按撰述
人代先後依次編纂至我朝

欽定各書仍各按門目分冠本朝著錄諸家之上則體例
精嚴而名義亦秩然不紊稱朕折衷詳慎之至意將
此諭令館臣遵照辦理欽此

乾隆四十六年十月十六日內閣奉

上諭四庫全書館進呈書內有宋葉隆禮奉勅所撰契
丹國志其說採摘通鑑等編及諸說部書按年臚載
鈔撮成文中閒體例混淆書法譌舛不一而足如書
既名契丹國志自應以遼為主乃卷首年譜既標太
祖太宗等帝而事實內或稱遼帝稱國主豈非自亂
其例又是書既奉南宋孝宗勅撰而評斷引宋臣胡
安國語稱為胡文定公實失君臣之體甚至大書遼
帝紀元於上而以宋祖建隆等年號分注於下尤為
紕謬夫梁唐晉漢周僭亂之主享國日淺且或稱臣

聖訓
稱兒稱孫於遼分注紀元尚可若北宋則中原一統
豈得以春秋分國之例概分注於北遼之下又引胡
安國論斷以劫迫其父開門納晉軍之楊承勳謂變
而不失其正時承勳同父被晉圍慮禍及身乃劫其
父致被晉戮而已受晉爵賞夫大義滅親父可施之
子子不可施之父父既背叛子惟一死以荅君親豈
有滅倫背義尚得謂之變而不失其正此乃胡安國
華夷之見芥蒂於心右逆子而亂天經誠所謂胡說
也其他乖謬種種難以枚舉朕詳加披覽經指駁者

數十條館臣乃請撤出此部書朕以春秋天子之事
是非萬世之公昨曾著正統辨論斷甚明今契丹國
志既有成書紀載當存其舊惟體例書法譌謬於綱
目大義有乖者不可不加釐正著總纂紀昀等詳加
校勘依例改纂其志中之事蹟如祭用白馬灰牛麩
中枯骨變形視事及戴野猪頭披皮之類雖迹涉荒
誕然與詩書所載簡狄吞卵姜嫄履武復何以異蓋
神道設教古今胥然義正如此又何必信遠而疑近
乎其餘遼帝過舉如母后擅權諸事足爲後世鑒戒

者仍據志實書一字不可易該總裁等覆閱進呈候
朕親定錄入四庫全書茲將此旨書於簡端以昭綱
常名教大公至正之義特諭欽此

乾隆四十六年十月二十七日內閣奉

上諭歷代名臣奏疏向有流傳選刻之本四庫全書內
亦經館臣編次進呈其中危言讜論關係前代得失
者固可援爲法戒因思勝國去今尤近三百年中蓋
臣傑士風節偉著者實不乏人跡其規陳治亂抗疏
批鱗當亦不亞漢唐宋元諸臣而奏疏未有專本使

當年繩愆糾繆忠君愛國之忱後世無由想見誠闕
典也卽或其人品誼未醇而其言一事陳一弊切中
利病有裨時政者亦不可以人廢言至神宗以後諸
臣奏疏內有因遼瀋用兵涉及本朝之處彼時主闇
政昏太阿倒置闖人竊柄權倖滿朝以致舉錯失當
賞罰不明其君綴旒于上竟置國事若罔聞遂至流
寇四起兵潰餉絕種種糝政指不勝數若楊漣左光
斗熊廷弼諸人或折衝疆場或正色立朝俱能慷慨
建議剴切敷陳設明之君果能採而用之猶不致敗

亡若是之極其事距今百十餘年殷鑒不遠尤當引
為炯戒則諸人奏疏不可不亟為輯錄也除明史本
傳外所有鈔入四庫全書諸人文集均當廣為蒐採
裒集成編卽有違礙字句祇須略為節潤仍將全文
錄入不可刪改此事關係明季之所以亡與我朝之
所以興敬怠之分

天人之際不可不深思遠慮觸目警心著派諸皇子同總
師傅蔡新等為總裁其皇孫皇曾孫之師傅翰林等
卽著為纂修校錄陸續進呈候朕親裁書成後卽交

武英殿刊刻仍鈔入四庫全書將此旨冠于簡端所
有前派紀昀等選出神宗以後各奏疏卽著歸入此
書按其朝代一體編纂特諭欽此

乾隆四十六年十一月初六日內閣奉

上諭昨閱四庫館進呈書有朱存孝編輯迴文類聚補
遺一種內載美人八詠詩詞意媒狎有乖雅正夫詩
以溫柔敦厚為教孔子不刪鄭衛所以示刺示戒也
故三百篇之旨一言蔽以無邪卽美人香草以喻君
子亦當原本風雅歸諸麗則所謂託興遙深語在此

聖諭
而意在彼也自玉臺新咏以後唐人韓偓輩務作綺
麗之詞號爲香奩體漸入浮靡尤而效之者詩格更
爲卑下今美人八咏內所列麗華髮等詩毫無寄託
輒取俗傳鄙褻之語曲爲描寫無論詩固不工卽其
編造題目不知何所證據朕輯四庫全書當採詩文
之有關世道人心者若此等詩句豈可以體近香奩
概行採錄所有美人八詠詩著卽行撤出至此外各
種詩集內有似此者亦著該總裁督同總校分校等
詳細檢查一併撤出以示朕釐正詩體崇尚雅醇之

至意欽此

乾隆五十五年六月初一日奉

上諭四庫全書薈萃古今載籍富有美備不特內府珍
藏藉資乙覽亦欲以流傳廣播沾溉藝林前因卷頁
浩繁中多舛錯特令總纂等復加詳細讐校俾無魯
魚亥豕之譌茲已釐訂葺工悉臻完善所有江浙兩
省文宗文匯文瀾三閣應貯全書現在陸續頒發藏
皮該處爲人文淵藪嗜奇好學之士自必羣思博覽
藉廣見聞從前曾經降旨准其赴閣檢視鈔錄俾資

蒐討但地方有司恐士子繙閱污損或至過有珍祕以阻爭先快覩之忱則所頒三分全書亦僅束之高閣轉非朕搜輯羣書津逮譽髦之意卽武英殿聚珍板諸書排印無多恐士子等亦未能全行購覓該督撫等諄飭所屬俟貯閣全書排架齊集後諭令該省士子有願讀中祕書者許其呈明到閣鈔閱但不得任其私自攜歸以致稍有遺失至文淵閣等禁地森嚴士子等固不便進內鈔閱但翰林院現有存貯底本如有情殷誦習者亦許其就近鈔錄掌院不得勒

阻畱難如此廣爲傳播俾茹古者得睹生平未見之書互爲鈔錄傳之日久使石渠天祿之藏無不家絃戶誦益昭右文稽古加惠士子盛事不亦善乎欽此

欽惟我

皇上稽古右文

恩教稠疊乾隆四十七年四庫全書告成

特命如

內廷四閣所藏繕寫全冊建三閣於江浙兩省

諭令士子願讀中祕書者就閣廣為傳寫所以

嘉惠藝林

恩至渥教至周也四庫卷帙繁多嗜古者未及遍覽而

提要一書實備載時地姓名及作書大旨承學之

恭記

士鈔錄尤勤毫楮叢集求者不給乾隆五十九年

浙江署布政使司臣謝啟昆署按察使司臣秦瀛

都轉鹽運使司臣阿林保等請於巡撫兼署鹽政

臣吉慶恭發

文瀾閣藏本校刊以惠士人貢生沈青沈以澄鮑士

恭等咸願輸資鳩工歲事以廣流傳六十年工竣

學政臣阮元本奉

命直

文淵閣事又籍隸揚州揚州大觀堂所建閣曰

文匯在鎮江金山者曰

文宗每見江淮人士瞻閱二閣感

恩被教忻幸難名茲復奉

命視學兩浙得仰瞻

文瀾閣於杭州之西湖而是書適刊成士林傳播家

有一編由此得以津逮全書廣所未見

文治涵濡歡騰海宇甯有既歟臣是以敬述東南學人

歡忭感激微忱識於簡末以仰頌

皇上教育之恩於萬一云爾內閣學士兼禮部侍郎浙

志記

二

江學政臣阮元恭紀

多羅質郡王臣永瑤等奉

敕編纂四庫全書告成謹奉

表上

進者伏以

天璣甄度書林占五緯之祥

帝鏡懸光藝苑定千秋之論

立綱維於鼇極函列雲珠

媿刪述於龍蹲契昭虹玉理符心矩絜三古以垂謨

道叶神樞匯九流而證聖治資鑒古德洽敷文臣

等誠懽誠忭稽首頓首上言竊惟神霄九野太清
耀東壁之星懸圃三成上帝擴西崑之府文章有
象翠嫵遂吐其天苞繪畫成形白阜肇圖其地絡
書傳蒼頡初徵雨粟之祥錄授黃神始貯靈蘭之
典洞庭祕簡稽大禹所深藏柱下叢編付老聃以
世守秦操金策聖籍雖焚漢理珠囊遺經故在儒
生密寶維孔鮒之承家謁者旁求見陳農之奉使
蚪文以後篇章自是滋多麟閣所儲條目於焉漸
備杖吹藜火夜讎別錄之編衣染鑪香坐校中經

之簿王仲寶區其流別定新志之九條阮孝緒撮
其叢殘括舊傳之五部勘書妙畫世摹展氏之圖
捲幔飛仙史載隋宮之蹟唐武德訖乎天寶鈿軸
彌增宋景祐繼以淳熙牙籤再錄南征俘玉元遷
三館之幘北極營都明運十艘之櫝莫不前徵邃
古丹壺溯合雒之蹤絳發空林青簡狃頻斯之篆
西州片札辨點漆於將磨南雍殘文檢穿絲於已
斷竹編未朽名認師春瓠本猶攜橐存班固爬羅
織碎或得諸玉枕石函掇拾畸零均給以螺丸麻

紙精鏤廣購一篇增十匹之酬華贖重緝三品別
兩廂之等凡以窮搜放失獵文林辨囿之精互鏡
瑕瑜立聖域賢關之訓結德輿而韞轄軌順經涂
係學海以浴波源通道後然而掇餘易置四千卷
既句殘膏驚廣彌蕪百兩篇更珍贖鼎丹青失實
或貽誚於王充朱紫相淆孰齊蹤於鄭默甚乃別
風淮雨惜奇字而偏畱或如許綠紂紅踵駁文而
莫悟蘭臺度貯多如賄改漆經棗板摹傳遂至誤
尊閣本故祕書總目鄭夾溱復議校讎而文苑英

華彭叔夏重加辨證從未有重熙累洽斐華懸紫
極之庭稽古崇儒用府闕丹宸之館彌綸宙合識
大識小之無遺榮鏡登閱傳信傳疑之有準金模
特建寶思周融如

今日者也欽惟

皇帝陛下

瑞席蘿圖

神凝松棟

播威校於十曲響震靈夔

治文德於四溟兆開神鷲

帝媯歌詠已題九萬瓊牋臣向編摩更緝三千寶牘博
收竹素仍沿天祿之名珍比琳瑯永付長恩之守
乃猶尋端竟委溯支絡於詞源緯地經天探精微
於義海昭陽韶歲

特紬翰府之藏永樂遺編

俯檢文樓之帙例取諸吳興韻海割裂雖多體宏於孟
蜀書林蒐羅終富榛楛宜翦

命刊削其闕言瀝液堪珍

敕比排其墜簡焦桐漆斷重膠百衲之琴古壘銅斑合
鑄九金之鼎復以羽陵蠹賸或有存畱宛委藏餘
不無佚漏十行

丹詔徧徵汲古之家七錄細囊廣啟獻書之路逸經斷
策出自大航雜卦殘篇發從老屋錦帆振舵孟家
東洛之船玉軼飛輪吳氏西齋之軸鱗排玉字多
王粲之所未聞筍束金繩率張華之所莫識光明
繭紙朱題芸帙之名蟠屈鸞章紫認槐廳之印紅
黎隔院曹司對設於東西青鏤濡香品第詳分其

甲乙
天潢演派光連太史之河卿月澄暉彩接文昌之宿
總司序錄叨楊億之華資分預校讎列任宏之清
秩銀袍應

召驤雲路以彈冠粉署徵才記仙郎而題柱懷鉛握槧
學官願效其一長切線割園博士亦研其九術遂
乃別開書局特分署於

龍墀增置鈔胥競抽毫於虎僕圖與史竝陳左右粉
本鈎摹隸與蚪兼備古今絲痕蠲扁曹連什伍各

隸屬於寫官工辨竅良均稽研於計簿提綱挈領
董成者職總監修補闕拾遺覆勘者官兼詳定庀
器預儲於將作棊几筠簾傳餐徧給於大官珉糜
珠餽溫鑪圍炭紋凝鵝鴿之青朗鑿涵冰色映玻
璃之白花輒入直地同兜率天宮蓮炬分行人到
嫵嬛福地瓊箱牒送全搜膾囊帷蓋之餘

芝殿籤排共刊木扇金華之謬程材效技各一一而
使吹累牘連篇遂多多而益辦香霏辟惡擁書何
止百城瀆漬險糜削橐寧惟兩屋譬入衆香之國

目眩矚於花光宛遊羣玉之峯神愕眙於寶氣豈
但鴻都多士駭聞見所未曾實合虎觀諸儒辨妍
媸而莫決所賴恭承

睿鑒提玉尺以量材仰稟

天裁握銀華而鑒物初披卷軸其掇零璣卽荷

絲綸務蕝完璧吳澄易翼辨顛倒乎陰陽楊簡詩音斥
混淆乎周漢稗官勦說刪馬角之荒唐譯史傳聞
摘象胥之譌異醮章祈福發凡於劉跋之詞語錄
參禪示例於齊原之記固已南車指路陟道岸而

衢亨

北斗旋杓揆文星而度正泊乎羣書大集品雜金沙
聖訓彌彰鑿澄珠礫詒經忌鑿黜錯簡於龜文論史從
公溯編年於麟筆立言乖體四明之錄必刪贗古
誣真五柳之名宜辨七籤三藏汰除釋老之編五
蠹九姦排斥申韓之術毒深孔雀無容校寫其青
詞巧謝璇璣未許增添其錦字小山豔曲削香奩
脂盞之篇金谷新詞刊酒肆歌樓之句凡皆詞臣
之奏進誤點丹黃一經

金定四庫全書目錄
聖主之品題立分黑白至於銅籤報夜

紫殿

勤披

玉案開緘

丹毫

親詠五家易說岐塗附闢其傳燈四氏書箋餘緒兼詳
平括地前車後鑒陳風雅於經筵斜上旁行寓春
秋於世本廬陵處士特申僭上之防安定門人大
著尊王之義王元杰名同讞獄爲雲谷之重儆洪

咨夔跡類探囊竊玉川之餘瀋四箴誤註寧知顏
巷之心二佛同稱轉隘尼山之量六經作繪全收
諸楊甲圖中七緯成編知出自莊周書後五音分
配篆文互備其形聲二史交參奇字各通其假借
古香醢醢細辨班書碎腋穿連重刊薛史清流肇
釁示鑒戒於東林正統明尊存綱常於西蜀派沿
涑水袁朱之新例兼存俗記扶餘班范之譌傳竝
訂黨碑再勒嗟指盜而開門權燄彌張嗤教星而
替月西湖遊蹟殊憐野老之藏名北使賓筵深陋

詞臣之校射宋鈔僅贖蒐舊志於臨安金刻稀聞
寶遺間於貞觀或攻或守徒存十鑑之兵謀相勝
相生未信五行之德運建炎政草媿彼中興至正
刑章斥其左祖李尊洛學辨道命於天原酈注桑
書剖源流於地理史腴詳摘有逾漢雋之精經笥
懸探更勝曹倉之富至於孔庭舊語首定儒宗蔡
帳祕文嚴排異說范祖禹之帝學具有淵源曾公
亮之武經姑存崖略橫戈危堞節取陳規握策靈
臺參徵蘇頌算窮杪忽九章研鮑澣之藏術雜縱

橫十卷稽趙黈之撰楚中隱士互權韓柳之評婺
郡名賢不廢呂唐之學臚登讖記衍洪範而原非
妄議井田託周官而更誤錢塘遺事深譏首鼠於
宋元曲洧舊聞微憾操戈於洛蜀細聰有取旁通
方朔之言指佞無難慎聽韓非之說陳思書苑列
筆陣而成圖馬總意林舉詞條而擢秀黃伯思之
博洽石墨精研孫逢吉之淹通雲龍遙溯多知舊
事病歌舞之銷金一洗清波笑詞章之諛墓太平
御覽徒粉飾乎嘉名困學紀聞偶扞彈其迂論晚

唐小史入廚甯取乎卮言南宋枝談按鞫深嫌其
曲筆十七卷騷人舊製更證以草木之名二百年
吏部清吟特賞其煙霞之氣兼推韓杜續來鳳觜
之膠竝採郊祁擬以棠華之句文恭著作先歐尹
而孤行忠肅風裁抗蘇程而角立勤王畱守呼北
渡者凡三殉節侍郎壯南朝者惟一學如和叔原
不限以宗朱詩到儀卿乃轉嫌其入墨讀書祕閣
明詹初論古之非從宦金淵賞仇遠耽吟之癖楊
維禎取其辨統而頌莽則當誅劉宗周閱其完忠

而吠堯爲可恕凡茲

獨斷咸稟

睿裁懿此同情實孚公義苞千齡而建極道出於
天綜百氏以歸型言衷諸

聖權衡筆削事通乎春賞秋刑絜度方圓法本乎

乾規坤矩是以儀璘懸耀揆景鳧趨鏞棧先鳴聆音麇
集鯨鐘方警啟蓬館以晨登鶴籥嚴關焚蘭膏以
夜繼披文計數甯止於萬七千篇按月程功務得
夫四十五日裁縫無迹先成綴白之裘傳寫相爭

齊炙汗青之竹架羅黃卷積盈有似於添籌几擁
烏皮刊謬時防其掃葉畢昇活板漸看字是排成
曾鞏官書已見序稱校上加以

乾行至健

七旬之念典彌勤

離照無遺一字之褒譏恆審梁騶練士庚郵遞初寫之
面

雲輅巡方乙夜展重修之卷至三至再戒玉楮之遲雕
數萬數千摘金根之屢誤坤原為釜兼搜刊板之

譌芋或作羊細檢鈔書之謬毫釐不漏戩勿添待

補之戈塗黠必嚴羅上辨續加之罔削除不盡時

飭以妄下雌黃輪郭空存常

指其竟同曳白

明周繼芥共欽

睿照無遺報乏微涓彌覺媿心生奮若夫考勤校惰督

課雖詳荷寵邀榮

恩慈實渥風雲得路先登或列於九官

雨露均滋中考亦賜以一級柏臺聯句聽鳳律之新聲

芸署題名踵麟臺之故事墨勻蝶翅祖帖雙鉤帙
簇龍紋

天書五色猩毛擢穎膩魚子之華牋龍尾雕紋融麝煤
之芳氣銀罌翠管細縈百和之香錦段香羅交暎
五明之扇繡囊委佩鋌貯朱提珍毳豐茸帕裁白
璽雕盤列飴果分西域之甘華俎嘗新瓜勝東陵
之種自

天宣賜多非夢寐所期無地酬

恩惟以文章爲報周賅始末擬勒長編別採英華先爲

縮本曩長庚之紀歲慶叶

嵩呼屬太乙之占祥象符奎聚八年敬繕挹古今四庫
之精兩部分儲合大小二山之數惟全書之浩博
實括羣言合衆手以經營倏逾數載香薰蘭積方
粗就而未終閣聳雲楣已先成以有待文河疏瀾
初如江別爲三筆海朝宗繼乃瀆增以四望洋無
際慮創始之爲難登岸有期幸觀成之可冀較刪
繁之別帙又閱兩年勒彙總之鴻裁已盈一部插
籤分帙次按乎甲乙丙丁列架臚函色別其赤青

白黑經崇世教貴實徵而賤虛談史繫人心削誣
詞而存公論選諸子百家之粹博收而不悖聖賢
懲十人九集之非嚴汰而甯拘門戶上浴虞夏咸
挹海以求珠下採元明各披沙而見寶六千篋璋
分圭合延閣儲珍二百卷部次州居崇文列目釋
名訓義因李肇之解題考異參同近歐陽之集古
事稽其實循文防誤於樹萱詞取其詳求益非同
於買菜人無全美比量其尺短寸長語或微疵辨
白其玉瑕珠纈一經採錄真同鯉上龍門附載姓

名亦使蠅隨驥尾元元本本總歸

聖主之持衡是是非非盡掃迂儒之膠柱至其盈箱積
案或汗漫而難尋復以提要鉤元期簡明而易覽
譬諸典謨紀事別行小序之一篇類乎金石成書
先列諸碑之十卷分綱列目見義例之有條按籍
披圖信源流之大備水四瀛而山五嶽俾此壯觀
前千古而後萬年無斯巨帙蓋非常之制作天如
畱待於今而希有之遭逢人乃躬當其盛叨司校
錄實忝光榮臣等功謝囊螢識同闕豹鑽研文字

未能脈望之通仙延緩歲時僅類鞠通之食墨仰
蒙

訓示得聞六藝之源曲荷

寬容許假十年之限百夫決拾望學的而知歸一簣成

山營書巖而幸就欣陳寶笈對

軒鏡之澄光恭進

瑤階同義圖之永寶從此依模范狀若疊矩而重規
因之循軌知途益輕車而熟路先難後易一隅可
得而反三謀始圖終百里勉行乎半九精心刊誤

八行細檢朱絲協力鳩工萬指齊磨烏玉連綿告

蕝竚看四奏

天間迅速先期不待六更歲籥人文成化

帝機運經緯之功

皇極敷言

王路示會歸之準觚稜雲構鬼峩乎銀榜璇題方策星
羅珍貴乎金膏水碧曰淵曰源曰津曰溯長流萬
古之江河紀世紀運紀會紀元恆耀九霄之

日月竝五經以

次定四庫全書卷首

表文

十三

垂訓道通乎丹書綠字之先合六幕以同文治超於元

律蒼身之上臣等無任瞻

天仰

聖踴躍歡忭之至謹奉

表恭

進以

聞

乾隆四十七年七月

日皇子多羅贊郡王臣永瑔

皇子多羅儀郡王臣永璇

皇十一子臣永理

大學士公臣阿桂

大學士臣英廉

大學士臣嵇璜

領侍衛內大臣臣福隆安

領侍衛內大臣臣和珅

尙書臣梁國治

侍郎臣金簡

侍郎臣董誥

侍郎臣曹文植

乾隆四十七年七月十九日奉

旨開列辦理四庫全書在事諸臣職名

正總裁

皇六子多羅質郡王臣永瑤

皇八子多羅儀郡王臣永璇

皇十子臣永理

原任 經筵日講起居注官 太子太保東臣劉統勳

原任 經筵講官 太子太保文淵閣大學士兼工部尚書臣劉綸

原任 經筵日講起居注官 太子太保 武英殿大學士臣舒赫德

次定四庫全書卷首

職名

經筵日講起居注官 太子太保領侍衛內大臣 武英殿大學士 臣 阿 桂

管吏部事翰林院掌院學士 文淵閣領閣事一等誠謀英勇公

原任 經筵日講起居注官 太子太保 文華殿大學士 管 臣

戶部事翰林院掌院學士 文淵閣領閣事世襲一等輕車都尉

于敏中

經筵管 李大傑 東閣大學士兼刑部尚書內務府總管教習庶士 臣 英 廉

原任 經筵管 文淵閣大學士兼吏部尚書 文淵閣領閣事 臣 程景伊

經筵日講起居注官 太子太保 文淵閣大學士 臣

嵇 璜

太子太保 御前大臣議政大臣領侍衛內大臣兵部尚書兼管 臣

福隆安

工部內務府總管 文淵閣提舉閣事一等忠勇公和碩額駙

和 珅

太子太保 御前大臣議政大臣領侍衛內大臣戶部尚書內務府總管步軍統領世襲三等輕車都尉

經筵講官協辦大學士吏部尚書兼管國子監事務 臣 蔡 新

原任 經筵講官 太子少傅戶部尚書 臣 王際華

副總裁

經筵講官 太子少傅戶部尚書教習庶吉士 臣 梁國治

經 筵 講 官 禮 部 尚 書 臣 曹秀先

內閣學士兼禮部侍郎今任工部尚書 臣 劉 墉

吏部侍郎今任左都御史 臣 王 杰

吏 部 部 侍 郎 臣 彭元瑞

原任 經筵講官刑部侍郎 臣 錢汝誠

戶 部 部 侍 郎 臣 金 簡

經 筵 講 官 戶 部 侍 郎 臣 董 誥

經筵講官 戶部侍郎 臣 曹文植

原任 兵部侍郎 臣 沈初

總閱官

經筵講官 禮部尚書兼管樂部太常寺鴻臚寺事務 臣 德保

兵部尚書 臣 周煌

禮部侍郎 臣 莊存與

署工部侍郎 臣 汪廷璵

經筵講官吏部侍郎 臣 謝墉

禮部侍郎 臣 達椿

工部侍郎 今任江西學政 臣 胡高望

內閣學士兼禮部侍郎 臣 汪永錫

內閣學士兼禮部侍郎 臣 金士松

內閣學士兼禮部侍郎 臣 尹壯圖

內閣學士兼禮部侍郎 臣 李綬

宗人府丞 今任浙江學政 臣 寶光鼎

太常寺卿 臣 倪承寬

原任 日講起居注官翰林院侍讀學士 臣 李汪度

日講起居注官 文淵閣直閣事翰林院侍講學士 今任福建學政 臣 朱珪

總纂官

文淵閣直閣事兵部侍郎臣紀昀

文淵閣直閣事大理寺卿臣陸錫熊

太常寺少卿今任山東布政使臣孫士毅

總校官

日講起居注官 文淵閣直閣事詹事府少詹事臣陸費墀

翰林院提調官

日講起居注官司經局洗馬今任通政使臣夢吉

翰林院編修臣祝德麟

掌河南道監察御史今任江南河庫道臣劉錫嘏

原任 日講起居注官翰林院侍講臣王仲愚

文淵閣校理翰林院編修臣百齡

日講起居注官 文淵閣校理翰林院侍讀臣張燾

原任 翰林院編修臣宋銑

翰林院編修今任禮科給事中臣蕭際韶

日講起居注官 文淵閣校理翰林院侍讀臣德昌

原任 翰林院編修臣黃瀛元

原任 翰林院編修臣曹城

日講起居注官 文淵閣校理翰林院侍講臣瑞 保

翰 林 院 編 修臣陳崇本

文淵閣校理翰林院檢討臣五泰

翰 林 院 檢 討臣運昌

原任軍機處行走工科給事中臣章寶傳

軍機處行走鴻臚寺卿今任江西布政使臣馮應櫛

軍機處行走都察院左副都御史今任貴州布政使臣孫永清

軍機處行走浙江道監察御史今任廣東學政臣史夢琦

軍機處行走戶部郎中臣劉謹之

軍機處行走工部郎中臣蔣謝庭

軍機處行走翰林院修撰臣戴衢亨

武英殿提調官

日講起居注官 文淵閣直閣事詹事府少詹事臣陸費墀

日講起居注官 文淵閣直閣事翰林院侍讀學士臣彭紹觀

翰 林 院 編 修臣查 瑩

翰林院編修今任山西學政臣劉種之

文淵閣校理左春坊左贊善臣韋謙恆

翰 林 院 檢 討臣彭元琬

翰 林 院 編 修臣吳裕德

欽定四庫全書

職名

五

翰林院編修臣關槐

翰林院編修臣周興岱

總目協勘官

文淵閣校理原任洗馬候補侍講臣劉權之

文淵閣校理翰林院編修臣汪如藻

翰林院編修臣程晉芳

翰林院編修臣李潢

翰林院庶吉士臣梁上國

禮部候補主事臣任大椿

原任國子監助教臣張義年

校勘永樂大典纂修兼分校官

右春坊右中允臣劉校之

翰林院編修今任詹事府詹事臣劉躍雲

翰林院編修今任刑科給事中臣陳昌圖

翰林院編修臣勵守謙

翰林院編修今任太常寺少卿臣藍應元

原任翰林院編修續任掌湖廣道監察御史臣鄒玉藻

原任翰林院編修臣王嘉曾

欽定四庫全書 職名 六

文淵閣校理翰林院侍講_臣莊承錢

文淵閣校理翰林院侍講_臣吳壽昌

翰林院編修今任江西道監察御史_臣劉湄

翰林院編修_臣吳典

原任司經局洗馬_臣黃軒

翰林院編修_臣王增

翰林院編修今任陝西道監察御史_臣王爾烈

翰林院編修_臣閔思誠

文淵閣校理翰林院編修_臣陳昌齊

原任翰林院編修_臣孫辰東

翰林院編修_臣俞大猷

文淵閣校理右春坊右庶子_臣平恕

文淵閣校理翰林院編修_臣李堯棟

翰林院編修今任國子監司業_臣鄒炳泰

文淵閣校理翰林院編修_臣莊通敏

翰林院編修_臣黃壽齡

原任翰林院編修_臣余集

翰林院編修_臣邵晉涵

翰林院編修	周永年
原任翰林院庶吉士	戴震
翰林院庶吉士	續任戶部主事
楊昌霖	
原任翰林院編修	莫瞻菴
翰林院檢討	王坦修
翰林院編修	范衷
翰林院編修	許兆椿
翰林院編修	于鼎
翰林院編修	王春煦

翰林院編修	吳鼎雯
翰林院編修	吳省蘭
翰林院編修	汪如洋
翰林院編修	陳萬青
翰林院庶吉士	祝瑩
校辦各省送到遺書纂修官	
日講起居注官	文淵閣校理左春坊左庶子今任國子監祭酒
鄒奕孝	
翰林院編修	鄭際唐
翰林院檢討	周

職名

原任刑部郎中臣姚鼐

文淵閣校理司經局洗馬臣翁方綱

原任翰林院編修臣朱筠

黃簽考證纂修官

候補國子監司業臣王太岳

候補國子監司業臣曹錫寶

天文算學纂修分校官

原任欽天監中官正臣郭長發

欽天監靈臺郎臣陳際新

算學錄臣倪廷梅

繕書處總校官

中允銜翰林院編修臣王燕緒

翰林院編修銜臣朱鈐

翰林院檢討臣何思鈞

翰林院庶吉士銜臣倉聖脈

繕書處分校官

原任日講起居注官右春坊右中允臣張書勳

文淵閣校理右春坊右中允臣季學錦

翰林院編修撰臣錢棨

翰林院編修撰臣金榜

翰林院編修續任掌四川道監察御史臣張秉愚

翰林院編修今任山東道御史臣項家達

翰林院編修今任京畿道監察御史臣楊壽楠

翰林院編修臣裴謙

翰林院編修臣張能照

翰林院編修臣汪學金

翰林院編修臣嚴福

翰林院編修臣孫希旦

翰林院編修臣羅修源

翰林院編修臣朱攸

翰林院編修臣邱庭澂

翰林院編修臣錢樾

翰林院編修臣周瓊

翰林院編修臣吳錫麒

翰林院編修臣蔡廷衡

翰林院編修臣翟槐

翰	翰	翰	翰	翰	翰	翰	翰	翰
林	林	林	林	林	林	林	林	林
院	院	院	院	院	院	院	院	院
編	編	編	編	編	編	編	編	編
修 <small>臣</small>	修 <small>臣</small>	修 <small>臣</small>	修 <small>臣</small>	修 <small>臣</small>	修 <small>臣</small>	修 <small>臣</small>	修 <small>臣</small>	修 <small>臣</small>
閔惇大	朱紱	馮敏昌	王天祿	張九鐔	顏崇瀉	何循	吳舒帷	施培應

翰	翰	翰	翰	翰	翰	翰	翰	翰
林	林	林	林	林	林	林	林	林
院	院	院	院	院	院	院	院	院
編	編	編	編	編	編	編	編	編
修 <small>臣</small>	修 <small>臣</small>	修 <small>臣</small>	修 <small>臣</small>	修 <small>臣</small>	修 <small>臣</small>	修 <small>臣</small>	修 <small>臣</small>	修 <small>臣</small>
戴均元	戴心亨	徐如澍	方燁	戴聯奎	馬啟泰	范來宗	高棫生	劉汝暮

職名

士

翰	翰	翰	翰	翰	翰	翰	翰	翰	翰
林	林	林	林	林	林	林	林	林	林
院	院	院	院	院	院	院	院	院	院
編	編	編	編	編	編	編	編	編	編
修	修	修	修	修	修	修	修	修	修
臣	臣	臣	臣	臣	臣	臣	臣	臣	臣
孫	許	沈	盧	錢	胡	程	何	王	嘉
玉	煥	孫	盧	錢	胡	程	何	王	嘉
庭	煥	孫	盧	錢	胡	程	何	王	嘉

翰	翰	翰	翰	翰	翰	翰	翰	翰	翰
林	林	林	林	林	林	林	林	林	林
院	院	院	院	院	院	院	院	院	院
編	編	編	編	編	編	編	編	編	編
修	修	修	修	修	修	修	修	修	修
臣	臣	臣	臣	臣	臣	臣	臣	臣	臣
盧	李	王	溫	李	洪	沈	何	王	嘉
盧	李	王	溫	李	洪	沈	何	王	嘉
遂	鼎	福	常	奕	其	清	西	嘉	曾

欽定四庫全書卷首

職名

三

翰林院庶吉士	今任刑部主事	胡必達
翰林院庶吉士	改授吏部主事	陳墉
翰林院庶吉士	改授禮部主事	陳文樞
翰林院庶吉士		王受
翰林院庶吉士		王朝梧
翰林院庶吉士		蔡其武
翰林院庶吉士		潘紹觀
翰林院庶吉士		蔣子蒲
翰林院庶吉士		馮集梧

翰林院庶吉士	會煥
翰林院庶吉士	吳紹浣
翰林院庶吉士	鍾文韞
翰林院庶吉士	俞廷楡
原任翰林院庶吉士	侍朝
吏部員外郎	張慎和
起居注主事	牛稔文
文淵閣檢閱宗人府主事	呂雲棟
刑部主事	胡敏

文淵閣檢閱工部主事臣王慶長

內閣中書今任禮部郎中臣龔敬身

內閣中書續任吏部郎中臣張培

內閣中書今任戶部員外郎臣李燦

內閣中書今任兵部員外郎臣汪日章

內閣中書今任宗人府主事臣吳俊

內閣中書今任吏部主事臣方維甸

內閣中書今任吏部員外郎臣王璜

內閣中書今任戶部主事臣吳紹昱

內閣中書今任戶部主事臣毛上哀

內閣中書今任兵部主事臣盛惇崇

內閣中書今任吏部主事臣杜兆基

內閣中書續任兵部主事臣雷純

文淵閣檢閱內閣侍讀臣宋鎔

文淵閣檢閱內閣侍讀臣裘行簡

文淵閣檢閱內閣中書臣李斯咏

文淵閣檢閱內閣中書臣方大川

文淵閣檢閱內閣中書臣金光悌

文淵閣檢閱內閣中書臣劉圖南

內閣臣李荃

內閣臣胡紹基

內閣臣董聯毅

內閣臣程炎

內閣臣王學海

內閣臣楊世綸

內閣臣閔思毅

內閣臣邱桂山

內閣臣馬猶龍

內閣臣甄松年

內閣臣沈琨

內閣臣鮑之鍾

內閣臣王照

內閣臣王中地

內閣臣費振勳

內閣臣沈叔埏

內閣臣顧宗泰

內閣	內閣	內閣	內閣	內閣	內閣	內閣	內閣	內閣
中	中	中	中	中	中	中	中	中
書臣	書臣	書臣	書臣	書臣	書臣	書臣	書臣	書臣
楊揆	洪梧	江璉	孫球	徐秉敬	秦瀛	黃秉元	張敦培	潘奕雋

內閣	內閣	內閣	內閣	內閣	內閣	內閣	內閣	內閣
中	中	中	中	中	中	中	中	中
書臣	書臣	書臣	書臣	書臣	書臣	書臣	書臣	書臣
葉葵	章煦	賈鏌	溫汝适	沈鳳輝	劉英	趙秉淵	石鴻翥	張曾效

內閣中書	書臣郭晉
內閣中書	書臣毛鳳儀
內閣中書	書臣竇汝翼
內閣中書	書臣張塤
內閣中書	書臣汪師曾
內閣中書	書臣言朝標
內閣中書	書臣趙懷玉
原任內閣中書	書臣徐步雲
原任內閣中書	書臣宋枋遠

中書科中書	書臣吳翼成
中書科中書	書臣李元春
候補中書科中書	書臣劉源溥
國子監助	教臣陳木
國子監助	教臣周鉉
國子監助	教臣卜維吉
國子監助	教臣金學詩
國子監助	教臣黃昌禔
原任國子監助	教臣汪錫魁

欽定四庫全書

職名

內閣典籍 籍臣袁文邵

詹事府主 簿臣汪日贊

國子監監 丞臣金兆燕

原任國子監監 丞臣張曾炳

國子監學 正臣沈培

國子監學 正臣蔡鎮

國子監學正今任大理寺司務 臣吳垣

國子監學 錄臣常循

國子監學 錄臣李巖

考取國子監學正候補教諭 臣張志楓

通政司經 歷臣張光第

太常寺典 簿臣劉景岳

太常寺博 士臣郭祚熾

進士 柴模

進士 吳樹萱

篆隸分校官

翰林院庶吉士今任工部主事 臣王念孫

國子監學 正臣謝登雋

繪圖分校官

工部員外郎臣門應兆

督催官

翰林院編修臣祥慶

內務府郎中臣董椿

翰林院筆帖式臣楚維甯

翰林院收掌官

筆帖式今任戶部員外郎臣安盛額

筆帖式今任吏部主事臣文英

筆帖式今任東陵主事臣富廉

筆帖式今任刑部主事臣舒明阿

筆帖式今任大理寺寺丞臣白瑛

原任筆帖式續任大理寺寺丞臣英璽德

筆帖式今任工部司務臣榮安

筆帖式今任甘肅知縣臣明福

筆帖式臣博良

筆帖式臣恆敬

筆帖式臣那善

欽定四庫全書

職名

千

筆帖 式_臣長亮

筆帖 式_臣經德

筆帖 式_臣慶明

筆帖 式_臣盛文

筆帖 式_臣張純賢

筆帖 式_臣福智

筆帖 式_臣承露

翰林院 孔目_臣熊志契

翰林院 待詔_臣馬綦

繕書處收掌官

中書科中 書_臣田起莘

國子監典簿_臣吳應霞

國子監學正_臣史國華

武英殿收掌官

奉宸院 筆帖 式_臣阿克敦

原任筆帖式候選知縣_臣敷註禮

筆帖 式_臣德光

筆帖 式_臣廣傳

七	七	七	七	七	七	七	七	七	七
品	品	品	品	品	品	品	品	品	品
庫	庫	庫	庫	庫	庫	庫	庫	庫	庫
掌 _臣 陸達塞	掌 _臣 海甯	掌 _臣 準提保	掌 _臣 伊昌阿	掌 _臣 海福	掌 _臣 德明	阿 _臣 福慶	阿 _臣 永清	阿 _臣 惠保	柏唐

欽定四庫全書

職名

三

營	監造官	內務府	武英殿	武英殿	武英殿	武英殿	武英殿	武英殿	武英殿
造	監造官	府	監	監	監	監	監	監	監
司	監造官	郎中	監	監	監	監	監	監	監
庫	監造官	兼佐	監	監	監	監	監	監	監
守 _臣 八十	監造官	領 _臣 劉涪	監	監	監	監	監	監	監

